

SLUŽBENI GLASNIK

GRADA MOSTARA

Broj	5	Godina	II	Mostar, 18. maja 2006.	bosanski jezik
------	---	--------	----	------------------------	----------------

PREGLED SADRŽAJA GRADSKO VIJEĆE

87. ZAKLJUČAK	66
88. ZAKLJUČAK	66
89. ODLUKA o obilježavanju kućnim brojevima zgrada koje nemaju kućni broj i zgrada koje imaju isti kućni broj a nalaze se u istoj ulici u Gradu Mostaru	67
90. ZAKLJUČAK	67
91. ODLUKA o vršenju ovlaštenja i obaveza organa Grada Mostara u privrednim društvima na temelju državnog kapitala	68
92. ODLUKA o vrijednosti boda za obračun komunalne naknade u 2006. godini	71
93. ZAKLJUČAK	71
94. ODLUKA o izmjeni i dopuni Odluke o komunalnoj naknadi	72
95. ODLUKA o izmjenama Odluke o komunalnim taksama	72
96. ODLUKA o izmjenama i dopunama Odluke o naknadi za privremeno zauzimanje javnih površina	72
97. ODLUKA o utvrđivanju prosječne konačne građevinske cijene 1 m ² korisne stambene površine i visini rente	73
98. ODLUKA o utvrđivanju prosječne ugovorene cijene 1 m ² stambenog prostora i visini naknade za preuzeto gradsko građevinsko zemljište	73
99. ODLUKA o pristupanju izradi elaborata o zonama sanitarne zaštite i zaštitnim mjerama (sa projektom zaštite izvorišta) područja na kojima se nalaze izvorišta voda za piće	74
100. ZAKLJUČAK	75
101. RJEŠENJE o imenovanju Komisije za izradu akta o osnivanju Osnovne škole Kruševo ..	75
102. RJEŠENJE o imenovanju Komisije za izradu akta o osnivanju Osnovne škole Ilići	76
103. RJEŠENJE o imenovanju Komisije za izradu akta o osnivanju Osnovne škole Cim	76
104. ZAKLJUČAK	76
105. RJEŠENJE o imenovanju Komisije za procjenu prometne vrijednosti nekretnina	77
106. ZAKLJUČAK	77

87

Na osnovu člana 28. Statuta Grada Mostara ("Gradski službeni glasnik Grada Mostara, broj: 4/04) i člana 121. i 128. Poslovnika Gradskog vijeća Grada Mostara ("Gradski službeni glasnik Grada Mostara", broj: 12/04) Gradsko vijeće Grada Mostara na sjednici održanoj dana 11. i 16.05.2006. godine donosi

ZAKLJUČAK**I**

Zadužuje se gradonačelnik Grada Mostara da u roku od 15 dana, Gradskom vijeću Grada Mostara, dostavi konkretan Program za razrješenje ukupnog problema prikupljanja, odvoza i deponiranja otpada sa konkretnim zadacima, zaduženjima, nosiocima i rokovima realizacije.

II

Zadužuje se gradonačelnik Grada Mostara da u što kraćem roku dostavi Gradskom vijeću Grada Mostara Strategiju dugoročnog rješavanja komunalne problematike i konačnog definisanja statusa javnih preduzeća "PARKOVI", "KOMOS" i deponije "UBORAK".

III

Obavezuju se javna preduzeća "PARKOVI" i "KOMOS" da sačine listu, odnosno popis pravnih i fizičkih osoba koje ne plaćaju naknadu po ispostavljenim računima za odvoz smeća.

IV

Zaključak stupa na snagu danom donošenja i objavit će se u "Službenom glasniku Grada Mostara".

Broj: 01-02-351/06
Mostar, 16.05.2006. godine

PREDSJEDNIK
Murat Ćorić, s.r.

88

Na osnovu člana 28. Statuta Grada Mostara ("Gradski službeni glasnik Grada Mostara, broj: 4/04) i člana 121. i 128. Poslovnika Gradskog vijeća Grada Mostara ("Gradski službeni glasnik

Grada Mostara", broj: 12/04) Gradsko vijeće Grada Mostara na sjednici održanoj dana 11. i 16.05.2006. godine donosi

ZAKLJUČAK**I**

Komisija za očuvanje nacionalnih spomenika svojom Odlukom proglasilo je Historijsko gradsko područje Mostar nacionalnim spomenikom Bosne i Hercegovine ("Službeni glasnik Bosne i Hercegovine", broj: 6/05).

II

Odlukom iz tačke I ovog Zaključka i drugim pozitivnim pravnim propisima Federacije Bosne i Hercegovine Grad Mostar i njegova nadležna tijela izvlaštena su, kao dosadašnji vlasnik, i nemaju nikakve nadležnosti na prostornom obuhvatu nacionalnog spomenika i isključivu nadležnost, kao novi vlasnik, imaju Federacija BiH odnosno organi Federacije Bosne i Hercegovine (Vlada Federacije BiH, Komisija za očuvanje nacionalnih spomenika, Federalno ministarstvo nadležno za prostorno uređenje, službe zaštite nasljeđa na razini Federacije Bosne i Hercegovine).

III

Zadužuje se Gradonačelnik i Agencija "Stari grad" Mostar, da sačini pismeni prijedlog izmjena i dopuna Odluke, Zakona i drugih pozitivnih pravnih propisa na temelju dosadašnjih razgovora i pregovora sa nadležnim organima Federacije BiH i da ih proslijedi u parlamentarnu proceduru po poslovničkoj proceduri na razmatranje i usvajanje nadležnim zakonodavnim tijelima, uz pismeno obrazloženje.

O upućenim pismenim prijedlozima izmjena i dopuna, sa pismenim obrazloženjem iz prednjeg stava ovog Zaključka, odmah obavijesti sve nadležne organe Federacije BiH iz tačke II ovog Zaključka i Gradsko vijeće Grada Mostara.

IV

Zaključak stupa na snagu danom donošenja i objavit će se u "Službenom glasniku Grada Mostara".

Broj: 01-02-352/06
Mostar, 16.05.2006. godine

PREDSJEDNIK
Murat Ćorić, s.r.

89

Na osnovu člana 28. Statuta Grada Mostara ("Gradski službeni glasnik Grada Mostara", broj: 4/04) i Odluke o određivanju i obilježavanju ulica i trgova imenima i zgrada brojevima ("Službeni glasnik opštine Mostar", broj: 3/81), Gradsko vijeće Grada Mostara, na sjednici održanoj dana 11. i 16.05.2006. godine, donijelo je

O D L U K U

o obilježavanju kućnim brojevima zgrada koje nemaju kućni broj i zgrada koje imaju isti kućni broj a nalaze se u istoj ulici u Gradu Mostaru

Član 1.

Ovom Odlukom određuje se način obilježavanja kućnim brojevima zgrada koje nemaju kućni broj ili imaju oznaku "bb" i zgrada koje imaju isti kućni broj a nalaze se u istoj ulici.

Član 2.

Zgrade koje imaju iste kućne brojeve a nalaze se u istoj ulici obilježavaju se na sljedeći način:
- u Ulici kralja Tomislava od raskrižja s Ulicom Stjepana Radića do raskrižja s Ulicom kneza Višeslava ispred postojećih arapskih oznaka kućnog broja, dodaje se rimska oznaka jedan (I),

- u Zagrebačkoj ulici od Ulice kneza Branimira do Ulice kralja Petra Krešimira IV, ispred postojećih arapskih oznaka kućnog broja, dodaje se rimska oznaka jedan (I).

Član 3.

Odjel za ekonomiju sigurnost i okolinu će po službenoj dužnosti, u skladu sa Odlukom o određivanju ulica i trgova imenima i zgrada brojevima ("Službeni glasnik opštine Mostar" broj:3/81), obilježiti zgrade koje nemaju kućne brojeve ili nose oznaku "bb" kao i zgrade koje imaju iste kućne brojeve a nalaze se u istoj ulici

Član 4.

Ova odluka stupa na snagu narednog dana od dana objavljivanja u "Službenom glasniku Grada Mostara".

Broj: 01-02-353/06
Mostar, 16.05.2006. godine

PREDSJEDNIK
Murat Ćorić, s.r.

90

Na osnovu člana 28. Statuta Grada Mostara ("Gradski službeni glasnik Grada Mostara, broj: 4/04) i člana 121. i 128. stav 1. tačka a. Poslovnika Gradskog vijeća Grada Mostara ("Gradski službeni glasnik Grada Mostara", broj: 12/04) Gradsko vijeće Grada Mostara na sjednici održanoj dana 11. i 16.05.2006. godine donosi

Z A K L J U Č A K**I**

Zadužuje se Komisija za izbor Nadzornih odbora u javnim preduzećima prema kojima ovlaštenja i obaveze vlasnika po osnovu državnog kapitala vrše organi Grada Mostara (u daljem tekstu : Komisija), da u roku od 15 dana , dostavi Gradskom vijeću prijedlog članova Nadzornih odbora za Javna preduzeća

1. J.P."MEĐUNARODNA ZRAČNA LUKA - AERODROM MOSTAR" D.O.O
2. J.P. TRŽNICE - PIJACE, D.O.O
3. J.P.KOMOS D.D.-MOSTAR
4. J.P.PUBORAK- D.D. MOSTAR
5. J.P. VODOVOD, DRUŠTVO ZA VODOVOD I KANALIZACIJU D.O.O MOSTAR

II

Obavezuje se gradonačelnik da odmah poništi konkurs za izbor Nadzornih odbora u sljedećim preduzećima :

1. J.S.P DOM- MOSTAR
2. J.P MOSTAR BUS. D.O.O MOSTAR
3. J.P.MOSPORT- MOSTAR
4. HTV, D.O.O -MOSTAR
5. J.P. SIGURNOST - MOSTAR

Konkurs se poništava zbog neusklađenosti Statuta sa obaveznom zakonskom regulativom koje se odnose na navedena preduzeća .

III

Obavezuju se menadžmenti Javnih preduzeća iz tačke II ovog Zaključka , da u roku od 15 dana od dana dostave ovog Zaključaka, dostave Gradskom vijeću Grada Mostara na saglasnost , usklađene Statute, kako bi se mogli raspisati konkurs za izbor Nadzornih odbora u skladu sa usklađenim Statutima .

IV

Postupak izbora članova Nadzornih odbora , po ponovljenom konkursu u Javnim preduzeći-

ma, izvršit će Komisija iz tačke I ovog Zaključka.

V

Zaključak stupa na snagu danom donošenja i objavit će se u "Službenom glasniku Grada Mostara".

Broj: 01-02-354/06
Mostar, 16.05.2006. godine

PREDSJEDNIK
Murat Corić, s.r.

91

Na osnovu člana 194. stav 3. i člana 310. stav 1. Zakona o privrednim društvima ("Službene novine Federacije Bosne i Hercegovine", broj 23/99, 45/00, 2/02, 6/02 i 29/03) i člana 28., 53. i 54. Statuta Grada Mostara ("Gradski službeni glasnik Grada Mostara", broj 4/04), Gradsko vijeće Grada Mostara, na sjednici održanoj dana 11. i 16.05.2005. godine, donosi

O D L U K U **O VRŠENJU OVLAŠTENJA I OBAVEZA** **ORGANA GRADA MOSTARA** **U PRIVREDNIM DRUŠTVIMA NA** **TEMELJU** **DRŽAVNOG KAPITALA**

I - OSNOVNE ODREDBE

Član 1.

Ovom Odlukom uređuje se:

a) način imenovanja, prava, obaveze i odgovornosti predsjednika i članova nadzornog odbora (u daljnjem tekstu: članovi nadzornog odbora) u privrednim društvima prema kojima ovlaštenja i obaveze vlasnika sa učešćem državnog kapitala vrše organi Grada Mostara,

b) način davanja punomoći, te prava, obaveze i odgovornosti punomoćnika Grada Mostara sa učešćem državnog kapitala u skupština privrednih društava, prema kojima ovlaštenja i obaveze vlasnika sa učešćem državnog kapitala vrše organi Grada Mostara.

Član 2.

(1) Pravila i procedure propisane ovom Odlukom sadrže i osiguravaju zakonitost, kvalitetu, otvorenost, transparentnost i zastu-

pljenost za natjecanja i izbor kandidata koji posjeduju najbolje profesionalne, stručne i etične kvalitete i sposobnosti.

(2) Odlukom se propisuje sadržaj i oblik obrasca "Prijava na javni oglas".

Član 3.

Imenovanje članova nadzornog odbora na najviše dva mjeseca, koja se ne mogu ponoviti, kao i određivanje punomoćnika i davanje punomoći za skupštinu, u društvima iz člana 1. ove Odluke, vrši Gradonačelnik Grada Mostara (u daljem tekstu: Gradonačelnik).

Član 4.

(1) Punomoćnik ili član nadzornog odbora društva ne može biti osoba koja je dioničar ili vlasnik udjela u istom društvu.

(2) Ista osoba, u ime Grada Mostara, ne može istovremeno biti član nadzornog odbora u više od dva društva.

(3) Nominiranje kandidata za člana nadzornog odbora, vrši se u onolikom broju osoba koji odgovara razmjeri učešća državnog kapitala u ukupnom kapitalu društva.

Član 5.

Prilikom odlučivanja u skupštini društva punomoćnik raspolaže ukupnim brojem glasova koji pripada državnom kapitalu.

Član 6.

(1) Prije odlučivanja u skupštini društva o pitanjima iz člana 246. tačka 1. do 16. Zakona o privrednim društvima, imenovani punomoćnik je dužan pribaviti mišljenje Gradonačelnika.

(2) Bez pribavljenog mišljenja o pitanjima iz stava 1. ovog člana, punomoćnik ne može odlučivati u skupštini.

(3) Izuzetno od odredbi stava 2. ovog člana, punomoćnik može punopravno odlučivati ukoliko do sjednice nije dobio traženo mišljenje.

(4) U slučaju kada se odlučuje o raspodjeli dobiti/dividende, neophodno je osigurati i obrazloženi prijedlog uprave društva, kao i mišljenje nadzornog odbora i odbora za reviziju

Član 7.

(1) Član nadzornog odbora je dužan pridržavati se odredaba Zakona o javnim preduzećima u Federaciji BiH ("Službene novine Federacije BiH", broj 48/05) a posebno odredaba člana 7., 8., 14., 19., 20., 25., 26., 36. i 42. toga Zakona.

(2) Član nadzornog odbora, imenovan kao predstavnik državnog kapitala, dužan je prije održavanje sjednice tog organa pribaviti mišljen-

je Gradonačelnika, ako taj organ razmatra pitanja iz člana 269. tačka 3., 5., 6., 7. i 11. Zakona o privrednim društvima.

(3) Mišljenje organa iz stava 1. ovog člana dužan je pribaviti član nadzornog odbora i ako nadzorni odbor treba da odlučuje o pitanjima iz člana 8. pod b) do h) Zakona o javnim preduzećima u Federaciji BiH.

(4) Bez pribavljenog mišljenja o pitanjima iz stava 2. i 3. ovog člana, član nadzornog odbora ne može učestvovati u odlučivanju tog organa.

(5) Izuzetno od odredbe stava 4. ovog člana, član nadzornog odbora može glasovati na sjednici ukoliko do datuma održavanja sjednice nije dobio traženo mišljenje nadležnog organa.

Član 8.

Pribavljanje mišljenja iz člana 6. i 7. ove odluke vrši se pismeno, najkasnije sedam dana prije održavanja sjednice nadzornog odbora odnosno skupštine a u izuzetnim slučajevima, ako se to ocjeni opravdanim, usmenim putem.

Član 9.

(1) Punomoćnik u skupštini društva i član nadzornog odbora, odgovorni su Gradonačelniku.

(2) Punomoćnik je dužan odmah nakon održane skupštine društva pismeno informirati gradonačelnika o svom radu i radu skupštine.

(3) Član nadzornog odbora dužan je, najmanje jednom u šest mjeseci, pismeno informirati Gradonačelnika o svom radu i radu nadzornog odbora društva.

(4) Član nadzornog odbora, za svoj rad odgovara prema odredbama člana 270. do 274. Zakona o privrednim društvima.

Član 10.

Skupština društva, najmanje jednom godišnje, podnosi Gradskom vijeću izvještaj o radu i poslovanju društva, koje uključuje finansijski izvještaj, izvještaj revizora, izvještaj nadzornog odbora i odbora za reviziju i plan poslovanja društva za narednu poslovnu godinu.

II - SPROVOĐENJE JAVNOG OGLASA

Član 11.

Imenovanje članova nadzornog odbora u privrednim društvima u kojima Grad vrši ovlaštenja i obaveze vlasnika sa učešćem državnog kapitala, vrši se raspisivanjem i objavljivanjem javnog oglasa.

Član 12.

(1) Javni oglas raspisuje i objavljuje

Gradonačelnik.

(2) Gradonačelnik je odgovoran za imenovanje članova Komisije za izbor i imenovanje (u daljnjem tekstu: Komisija za imenovanje).

(3) Komisija za imenovanje se sastoji od pet članova, od kojih su najmanje tri državni službenici.

(4) Prilikom imenovanja članova Komisije vodit će se računa o tome da to budu osobe koje su pokazale da poznaju odredbe Zakona o ministarskim, vladinim i drugim imenovanjima ("Službene novine Federacije BiH", broj 12/03 i 34/03), Zakona o sukobu interesa u institucijama vlasti BiH ("Službeni glasnik BiH", broj 13/02, 16/02, 14/03 i 12/04) i Zakona o javnim preduzećima i koje posjeduju stručno znanje u odgovarajućim oblastima za koja se vrši izbor.

(5) Administrativne poslove za Komisija obavlja odgovarajuće tijelo uprave.

Član 13.

(1) Javni oglas se objavljuje u sredstvima javnog informisanja dostupnim svim građanima Federacije Bosne i Hercegovine.

(2) Prijave na javni oglas podnose se u roku petnaest dana od dana posljednjeg objavljivanja javnog oglasa, odnosno do datuma označenog u javnome oglasu, na propisanom obrascu koji je sastavni dio ove Odluke.

Član 14.

Javni oglas sadrži kratak opis poslova člana nadzornog odbora za koje se vrši oglašavanje i naznaku dužine trajanja mandata.

Član 15.

Opći uslovi za izbor kandidata za imenovanje su:

- a) da su državljani Bosne i Hercegovine,
- b) da su stariji od 18 a ne više od 70 godina,
- c) da nisu otpušteni iz državne službe kao rezultat stegovne mjere na bilo kojoj razini u Bosni i Hercegovini u periodu od tri godine prije dana objavljivanja upražnjene pozicije,
- d) da nisu izabrani zvaničnici, nositelji izvršne dužnosti ili njihovi savjetnici,
- e) da se na njih ne odnosi član IX.1. Ustava Bosne i Hercegovine,
- f) da nisu na dužnosti u političkoj stranci,
- g) da se protiv njih ne vodi kazneni postupak,
- h) da u posljednjih pet godina nisu osuđivani za kaznena djela protiv imovine, privrede, ustavnog poretka ili zloupotrebe službene dužnosti,
- i) da im presudom suda nije zabranjeno obavljanje aktivnosti u nadležnosti nadzornog odbora.

Član 16.

Pored općih uslova iz člana 15. ove Odluke, kandidati moraju ispunjavati i posebne uslove:

- a) da imaju visoku stručnu spremu VII/1 stepen,
- b) da su istaknuti stručnjaci u svom području.

Član 17.

(1) Uz Prijavu na javni oglas kandidati su dužni priložiti (originalne ili ovjerene kopije) dokaze o ispunjavanju uslova, i to:

- a) uvjerenje o državljanstvu (ne starije od šest mjeseci)
- b) izvod iz matične knjige rođenih,
- c) dokaz o školskoj spremi,
- d) dokaz o radnom iskustvu.

(2) Od kandidata koji uđu u uži izbor će biti zatraženo dostavljanje dodatne dokumentacije.

**III - SADRŽAJ I OBLIK OBRASCA PRIJAVE
NA JAVNI OGLAS****Član 18.**

(1) Za sudjelovanje na javnom oglasu podnosi se popunjen obrazac "Prijava na javni oglas".

(2) Obrazac "Prijava na javni oglas" je formata A-4, a u isti se unose lični podaci, podaci o školskoj spremi i drugim oblicima stručnog osposobljavanja u profesiji, radnom iskustvu, dodatnim sposobnostima i posebna izjava.

(3) Obrazac "Prijava na javni oglas" je dostupan na web stranici Grada, a može se dobiti i u gradskom sekretarijatu.

Član 19.

Da bi "Prijava na javni oglas" bila valjana, ista treba stići, putem pošte ili lične dostave, na mjesto i u roku naznačenome u javnom oglasu.

IV - POSTUPAK IZBORA**Član 20.**

(1) Nakon što izvrši provjeru ispunjavanja općih i posebnih uslova navedenih u javnome oglasu, Komisija za imenovanje će, na osnovu načela iz člana 3. Zakona o ministarskim, vladinim i drugim imenovanjima i kriterija za imenovanje, sastaviti listu sa užim izborom najboljih kandidata koji ispunjavaju kriterije za imenovanje.

(2) Svi kandidati liste sa užim izborom se pozivaju na intervju i dostavljanje dodatne

dokumentacije.

(3) Pitanja o sukobu interesa moraju biti objašnjena i razmotrena sa svakim kandidatom.

(4) Prijave kandidata koji se ne nalaze na listi kandidata sa užim izborom neće biti uzete u razmatranje u daljnjem procesu imenovanja.

Član 21.

(1) Intervju podrazumijeva pojedinačan razgovor s kandidatima iz čega se može utvrditi sposobnost kandidata za obavljanje dužnosti na koju se bira, kao i opća predanost kandidata poslu i njegova sveukupna stručnost i sposobnost.

(2) Pitanja koja se u okviru intervjuja postavljaju kandidatu treba da se odnose na dosadašnje iskustvo kandidata i rezultate rada ostvarene tokom karijere, njegovu školsku spremu, komunikacijske i organizacijske sposobnosti, znanje i sposobnost razumijevanja poslovnih izvještaja, poznavanje privrednog prava Zakona o javnim preduzećima i Zakona o privrednim društvima, kao i na ostale podatke navedene u obrascu Prijave na javni oglas.

(3) Svaki član Komisije za imenovanje sudjeluje u razgovoru.

(4) Komisija za imenovanje vodi zapisnik o toku razgovora sa svakim kandidatom.

Član 22.

(1) Nakon intervjuja i na osnovu u potpunosti dokumentiranih odluka svakog člana Komisije za imenovanje, Komisija za imenovanje će putem pismene preporuke predložiti rang listu sa najboljim kandidatima na dalje razmatranje.

(2) Pismena preporuka treba da sadrži sve relevantne informacije koje Komisija za imenovanje ima o kandidatima.

(3) Smatra se da je kandidat koji je prvi na rang listi i kojeg je preporučila većina članova Komisije za imenovanje, najuspješnije prošao otvorenu konkurenciju.

Član 23.

(1) Konačno imenovanje kandidata, u skladu sa članom 54. Statuta Grada, vrši Gradsko vijeće.

(2) Gradsko vijeće će, osim ako ima opravdane razloge, sa dokazima koji to potvrđuju, izvršiti konačno imenovanje kandidata koji je prvi na rang listi, u skladu sa postojećim zakonima, propisima i pravilima.

(3) U protivnom, kandidati koji su rangirani kao slijedeći na listi sa užim izborom biće razmatrani za imenovanje.

Član 24.

(1) Gradsko vijeće ima konačnu odgovornost

da osigura da se sva konačna imenovanja kandidata izvrše u skladu sa ovom Odlukom, odredbama Zakona o ministarskim, vladinim i drugim imenovanjima Federacije BiH ("Službene novine Federacije BiH", broj 12/03 i 34/03) i Zakona o sukobu interesa u institucijama vlasti BiH ("Službeni glasnik BiH", broj 13/02, 16/02, 14/03 i 12/04).

Član 25.

Sva konačna imenovanja objavljuju se u Službenim novinama Federacije BiH.

Član 26.

Mandat članova nadzornog odbora traje četiri (4) godine, sa mogućnosti ponovnog imenovanja.

Član 27.

Konačno imenovane osobe imaju pravo na naknadu za rad, prema ugovoru koji odobrava skupština društva.

V - ZAVRŠNE ODREDBE

Član 28.

Danom stupanja na snagu ove Odluke prestaje da važi Odluka o vršenju ovlaštenja i obaveza organa Grada Mostara vlasnika nad privrednim društvima po osnovu državnog kapitala ("Službeni glasnik Grada Mostara", broj 3/05).

Član 29.

Ova Odluka stupa na snagu narednog dana od dana objavljivanja u "Službenom glasniku Grada Mostara".

Broj: 01-02-355/06
Mostar, 16.05.2006. godine

PREDSJEDNIK
Murat Ćorić, s.r.

92

Na osnovu člana 18. Zakona o komunalnoj djelatnosti ("Narodne novine Hercegovačko-koneretvanskog kantona" broj 4/04), člana 6. Odluke o komunalnoj naknadi ("Službeni glasnik Grada Mostara" broj 9/05), i člana 28. Statuta Grada Mostara ("Službeni glasnik Grada Mostara" broj 4/04), Gradsko vijeće Grada

Mostara na sjednici održanoj 11. i 16.05.2006. godine, donosi

O D L U K U O VRIJEDNOSTI BODA ZA OBRAČUN KOMUNALNE NAKNADE U 2006. GODINI

Član 1.

Utvrđuje se vrijednost boda ("B") za obračunavanje komunalne naknade u 2006. godini, u iznosu od 0.065 KM/m².

Član 2.

Ova Odluka stupa na snagu narednog dana od dana objavljivanja u "Službenom glasniku Grada Mostara".

Broj: 01-02-356/06
Mostar, 16.05.2006. godine

PREDSJEDNIK
Murat Ćorić, s.r.

93

Na osnovu člana 28. Statuta Grada Mostara ("Gradski službeni glasnik Grada Mostara, broj: 4/04) i člana 121. i 128. Poslovnika Gradskog vijeća Grada Mostara ("Gradski službeni glasnik Grada Mostara", broj: 12/04) Gradsko vijeće Grada Mostara na sjednici održanoj dana 11. i 16.05.2006. godine donosi

ZAKLJUČAK

I

Zadužuju se Odbor za ekonomski razvoj i Odbor za finansije i poreznu politiku Gradskog vijeća da nakon 6 mjeseci pripreme informaciju Gradskom vijeću o efektima danas donesene Odluke o vrijednosti boda za obračun komunalne naknade u 2006.godini, broj 01-02-356/06.

II

Zaključak stupa na snagu danom donošenja i objavit će se u "Službenom glasniku Grada Mostara".

Broj: 01-02-357/06
Mostar, 16.05.2006. godine

PREDSJEDNIK
Murat Ćorić, s.r.

94

Na osnovu člana 18. Zakona o komunalnoj djelatnosti ("Službene novine Hercegovačko-neretvanskog kantona", broj. 4/04) i člana 28. Statuta Grada Mostara ("Gradski službeni glasnik Grada Mostara", broj 4/04), Gradsko vijeće Grada Mostara na sjednici održanoj dana 11. i 16.05. 2006. godine donosi

O D L U K U
o izmjeni i dopuni Odluke o komunalnoj naknadi

Član 1.

U Odluci o komunalnoj naknadi ("Službeni glasnik Grada Mostara" broj 9/05) u članu 17. brisati riječi :

"a primjenjuje se od 01.01.2006.godine."

a na njihovo mjesto staviti riječi:

"a primjenjivat će se narednog dana od dana objavljivanja u "Službenom glasniku Grada Mostara"."

Član 2.

Ova Odluka stupa na snagu narednog dana po objavljivanju u "Službenom glasniku Grada Mostara".

Broj: 01-02-358/06
Mostar, 16.05.2006. godine

PREDSJEDNIK
Murat Ćorić, s.r.

tekstu: Odluka, mijenja se naziv poglavlja "II Način prijave i naplate takse" i novo poglavlje glasi: "II Naplata takse" .

Član 2.

Član 5. Odluke mijenja se i glasi:

"(1) Poreski obaveznik iz člana 2. Odluke je svako pravno ili fizičko lice koje obavlja djelatnost na osnovu rješenja nadležnog organa ili koje koristi predmet ili uslugu za čije korištenje je propisano plaćanje komunalne takse.

(2) Taksena obaveza nastaje danom početka obavljanja djelatnosti u skladu sa rješenjem nadležnog organa kojim se odobrava obavljanje djelatnosti ili u trenutku kad se počinje koristiti predmet ili usluga."

Član 3.

Član 7. Odluke mijenja se i glasi:

"Rješenje o razrezu takse iz člana 2. donosi nadležna Poreska uprava, na osnovu službene evidencije nadležnih organa."

Član 4.

Ova Odluka stupa na snagu narednog dana od dana objave u "Službenom glasniku Grada Mostara".

Broj: 01-02-359/06
Mostar, 16.05.2006. godine

PREDSJEDNIK
Murat Ćorić, s.r.

95

Na osnovu člana 1. Zakona o komunalnim taksama ("Službeni list SR Bosne i Hercegovine", broj: 21/77, 35/88, 26/89), člana 64. Zakona o lokalnoj samoupravi ("Službene novine Hercegovačko-neretvanskog kantona", broj: 4/2000), člana 4. i 6. Zakona o pripadnosti javnih prihoda Hercegovačko-neretvanskog kantona ("Službene novine Hercegovačko-neretvanskog kantona", broj: 4/2000) i člana 28. Statuta Grada Mostara ("Gradski službeni glasnik Grada Mostara", broj: 4/04), Gradsko vijeće Grada Mostara, na sjednici održanoj 11. i 16.05.2006. godine, donosi

O D L U K U
o izmjenama Odluke o komunalnim taksama

Član 1.

U Odluci o komunalnim taksama ("Službeni glasnik Grada Mostara", broj: 7/05), u daljem

96

Na osnovu člana 64. Zakona o lokalnoj samoupravi ("Službene novine Hercegovačko-neretvanskog kantona", broj 4/00) i člana 28. Statuta Grada Mostara ("Gradski službeni glasnik Grada Mostara", broj 4/04), Gradsko vijeće Grada Mostara, na sjednici održanoj dana 11. i 16.05.2006. godine, donosi

O D L U K U
O IZMJENAMA I DOPUNAMA
ODLUKE O NAKNADI ZA PRIVREMENO
ZAUZIMANJE JAVNIH POVRŠINA

Član 1.

U Odluci o naknadi za privremeno zauzimanje javnih površina ("Službeni glasnik Grada Mostara", broj 7/05), mijenja se stav 1. i 2., tačka 2., člana 10., tako da glasi:

"2. za privremene objekte i privremeno uzurpirano zemljište za objekte, po zauzetoj površini:
o u I zoni - 20,00 KM mjesečno po m²
o u II zoni - 15,00 KM mjesečno po m² "

Član 2.

Mijenja se član 13., tako da glasi:

"Naknada za korištenje javne površine iz člana 10. ove Odluke plaća se unaprijed za period za koji se izdaje rješenje o privremenom zauzimanju javne površine, a najviše šest mjeseci".

Član 3.

Danom stupanja na snagu ove Odluke prestaju da važe sve odluke općinskih vijeća bivših Gradskih općina Grada Mostara koje reguliraju ovu oblast.

Član 4.

Ova odluka stupa na snagu narednog dana po objavljivanju u "Službenom glasniku Grada Mostara" a primjenjuje se od 1.1.2006. godine.

Broj: 01-02-360/06
Mostar, 16.05.2006. godine

PREDSJEDNIK
Murat Čorić, s.r.

97

Na osnovu člana 46. stav 2. Odluke o građevinskom zemljištu ("Službeni glasnik Grada Mostara", broj 7/05) i člana 28. Statuta Grada Mostara ("Gradski službeni glasnik Grada Mostara", broj 4/04), Gradsko vijeće Grada Mostara, na sjednici održanoj 11. i 16.05.2006. godine, donosi

O D L U K U
O UTVRĐIVANJU PROSJEČNE KONAČNE
GRAĐEVINSKE CIJENE 1 M² KORISNE
STAMBENE POVRŠINE
I VISINI RENTE

Član 1.

Utvrđuje se da prosječna konačna građevinska cijena 1 m² korisne stambene površine izgrađene na području Grada Mostara u 2005. godini iznosi 1.030,00 KM.

Član 2.

Prosječna konačna građevinska cijena iz člana 1. ove Odluke, služi kao osnovica za utvrđivanje

visine naknade iz osnova prirodnih pogodnosti gradskog građevinskog zemljišta i pogodnosti već izgrađene komunalne infrastrukture koje mogu nastati prilikom korištenja toga zemljišta, a koje nisu rezultat ulaganja sredstava vlasnika ili korisnika nekretnina - renta (u daljnjem tekstu: renta).

Član 3.

Visina rente, po zonama, po 1 m² korisne površine građevine, koja će se graditi na gradskom građevinskom zemljištu, određuje se prema pripadnosti građevine zoni građevinskog zemljišta (granice zona utvrđene su Odlukom o građevinskom zemljištu), i iznosi, i to:

- o za prvu zonu - 6 % 61,80 KM
- o za drugu zonu - 5 % 51,50 KM
- o za treću zonu - 4 % 41,20 KM
- o za četvrtu zonu - 3 % 30,90 KM
- o za petu zonu - 2 % 20,60 KM
- o za šestu zonu - 1 % 10,30 KM

Član 4.

Odjel za finansije i nekretnine, svaka tri mjeseca tijekom godine, valorizira prosječnu građevinsku cijenu iz člana 1. ove Odluke, na temelju indeksa rasta cijena građevinskih radova u visokogradnji i niskogradnji, po sumarnoj metodologiji i podacima koje objavljuje Federalni zavod za statistiku.

Član 5.

Danom stupanja na snagu ove Odluke, prestaje primjena Odluke o utvrđivanju prosječne konačne građevinske cijene 1 m² korisne stambene površine i visini rente ("Službeni glasnik Grada Mostara", broj 7/05).

Član 6.

Ova Odluka stupa na snagu narednog dana od dana objavljivanja u "Službenom glasniku Grada Mostara".

Broj: 01-02-361/06
Mostar, 16.05.2006. godine

PREDSJEDNIK
Murat Čorić, s.r.

98

Na osnovu člana 45. stav 2. Odluke o građevinskom zemljištu ("Službeni glasnik Grada Mostara", broj 7/05) i člana 28. Statuta

Grada Mostara ("Gradski službeni glasnik Grada Mostara", broj 4/04), Gradsko vijeće Grada Mostara, na sjednici održanoj 11. i 16.05.2006. godine, donosi

O D L U K U
O UTVRĐIVANJU PROSJEČNE UGOVORENE CIJENE
1 M² STAMBENOG PROSTORA I VISINI
NAKNADE ZA PREUZETO
GRADSKO GRAĐEVINSKO ZEMLJIŠTE

Član 1.

Utvrđuje se da prosječna ugovorena cijena 1 m² stambenog prostora izgrađenog na području Grada Mostara u posljednjem tromjesečju 2005. godine iznosi 1.267,00 KM.

Član 2.

Prosječna ugovorena cijena iz člana 1. ove Odluke, služi kao osnovica za utvrđivanje visine naknade za 1 m² gradskog građevinskog zemljišta, koje se preuzima od ranijeg vlasnika.

Član 3.

Visina naknade za 1 m² gradskog građevinskog zemljišta, koje se preuzima od ranijeg vlasnika, određuje se prema pripadnosti zemljišta određenoj zoni građevinskog zemljišta (granice zona utvrđene su Odlukom o građevinskog zemljištu), i iznosi, i to:

o	za prvu zonu - 2,0 %	25,35 KM
o	za drugu zonu - 1,8 %.....	22,80 KM
o	za treću zonu - 1,6 %.....	20,27 KM
o	za četvrtu zonu - 1,4 %.....	17,74 KM
o	za petu zonu - 1,2 %.....	15,20 KM
o	za šestu zonu - 1,0 %.....	12,67 KM

Član 4.

Odjel za finansije i nekretnine, svaka tri mjeseca tijekom godine, valorizira prosječnu ugovorenu cijenu iz člana 1. ove Odluke, na osnovu indeksa rasta cijena građevinskih radova u visokogradnji i niskogradnji, po sumarnoj metodologiji i podacima koje objavljuje Federalni zavod za statistiku.

Član 5.

Danom stupanja na snagu ove Odluke, prestaje primjena Odluke o utvrđivanju visine naknade za preuzeto gradsko građevinsko zemljište ("Službeni glasnik Grada Mostara", broj 7/05).

Član 6.

Ova Odluka stupa na snagu narednog dana od dana objavljivanja u "Službenom glasniku Grada Mostara".

Broj: 01-02-362/06
Mostar, 16.05.2006. godine

PREDSJEDNIK
Murat Čorić, s.r.

99

Na osnovu člana 117. Zakona o vodama ("Službene novine Federacije Bosne i Hercegovine", broj 18/98) i člana 43. Pravilnika o uslovima za određivanje zona sanitarne zaštite i zaštitnih mjera za izvorišta voda koje se upotrebljavaju ili planiraju da koriste za piće ("Službene novine Federacije Bosne i Hercegovine", broj 51/02), a u skladu sa članom 28. Statuta Grada Mostara ("Gradski službeni glasnik Grada Mostara", broj 4/04) Gradsko vijeće Grada Mostara, na sjednici održanoj 11. i 16.05.2006. godine, donosi

O D L U K U
O PRISTUPANJU IZRADI
ELABORATA O ZONAMA SANITARNE
ZAŠTITE I ZAŠTITNIM MJERAMA
(SA PROJEKTOM ZAŠTITE IZVORIŠTA)
PODRUČJA NA KOJIMA SE NALAZE
IZVORIŠTA VODA ZA PIĆE

Član 1.

(1) Pristupa se izradi (noveliranog) Elaborata o zonama sanitarne zaštite i zaštitnim mjerama (sa projektom zaštite izvorišta) područja na kojima se nalaze izvorišta voda za piće, i to: **RADOBOLJA - STUDENAC - SALAKOVAC** (u daljnjem tekstu: Elaborat).

(2) Izrada Elaborata iz prethodnog stava podrazumijeva i provođenje odgovarajućih istražnih radova potrebnih za njegovu izradu i izradu projekta zaštite izvorišta, kao i nacrtu odluke koju, s tim u svezi, treba donijeti Gradsko vijeće.

Član 2.

(1) Procijenjena vrijednost izrade Elaborata iznosi 230.000,00 KM

(2) Za sufinansiranje izrade Elaborata odobravaju se sredstva Budžeta Grada Mostara u iznosu od 170.000,00 KM.

Član 3.

Elaborat iz člana 1. ove Odluke, biti će sastavni dio Prostornog plana Grada Mostara.

Član 4.

Izbor organizacije koja će izraditi Elaborat i cijena njegove izrade, izvršiti će se i utvrditi po proceduri utvrđenoj Zakonom o javnim nabavama Bosne i Hercegovine ("Službeni glasnik Bosne i Hercegovine" broj 49/04, 52/04) i podzakonskim aktima donesenim za provođenje Zakona .

Član 5.

Za provođenje ove Odluke zadužen je gradonačelnik Grada.

Član 6.

Sredstava iz člana 2. ove Odluke osigurana su na poziciji "kapitalni izdaci - GRAD".

Član 7.

Ova Odluka stupa na snagu narednog dana od dana objavljivanja u "Službenom glasniku Grada Mostara".

Broj: 01-02-363/06
Mostar, 16.05.2006. godine

PREDSJEDNIK
Murat Corić, s.r.

100

Na osnovu člana 28. Statuta Grada Mostara ("Gradski službeni glasnik Grada Mostara, broj: 4/04) i člana 121. i 128. Poslovnika Gradskog vijeća Grada Mostara ("Gradski službeni glasnik Grada Mostara" , broj: 12/04) Gradsko vijeće Grada Mostara na sjednici održanoj dana 11. i 16.05.2006. godine donosi

ZAKLJUČAK**I**

Zadužuje se Gradska uprava Grada Mostara , da zajedno sa ovlaštenim predstavnicima JP "Vodovod" i Javnog preduzeća "Vodno područje sliva Jadranskog mora" pristupe što hitnijoj izradi Elaborata budućih potencijalnih izvorišta, koja su već identificirana, odnosno čije su lokacije poznate.

II

Zaključak stupa na snagu danom donošenja i objavit će se u "Službenom glasniku Grada Mostara".

Broj: 01-02-364/06
Mostar, 16.05.2006. godine

PREDSJEDNIK
Murat Corić, s.r.

101

Na osnovu člana 18. stav 1. Zakona o osnovnom odgoju i obrazovanju ("Službene novine Hercegovačko-neretvanskog kantona" broj 5/2000, 4/2004, 5/2004), člana 64. Zakona o lokalnoj samoupravi ("Službene novine Hercegovačko-neretvanskog kantona" broj 4/2000), i člana 28. Statuta Grada Mostara ("Gradski službeni glasnik Grada Mostara" broj 4/2004), Gradsko vijeće Grada Mostara, na sjednici, održanoj dana 11. i 16.05.2006. godine donijelo je

RJEŠENJE

o imenovanju Komisije za izradu akta o osnivanju Osnovne škole Kruševo

I

Imenuje se Komisija za izradu akta o osnivanju Osnovne škole Kruševo u sastavu:

1. Vjekoslav Kordić, predsjednik
2. Drago Vidačak, član
3. Lana Radić, član

II

Zadaci Komisije iz člana 1. ove Odluke su sljedeći:

" izrada akta o osnivanju Osnovne škole Kruševo,
" obavljanje drugih radnji u vezi s početkom rada Škole u skladu sa Zakonom.

III

Ovo Rješenje stupa na snagu narednog dana po objavljivanju u "Službenom glasniku Grada Mostara".

Broj: 01-02-365/06
Mostar, 16.05.2006. godine

PREDSJEDNIK
Murat Corić, s.r.

102

Na osnovu člana 18. stav 1. Zakona o osnovnom odgoju i obrazovanju ("Službene novine Hercegovačko-neretvanskog kantona" broj 5/2000, 4/2004, 5/2004), člana 64. Zakona o lokalnoj samoupravi ("Službene novine Hercegovačko-neretvanskog kantona" broj 4/2000), i člana 28. Statuta Grada Mostara ("Gradski službeni glasnik Grada Mostara" broj 4/2004), Gradsko vijeće Grada Mostara, na sjednici, održanoj dana 11. i 16.05.2006. godine donijelo je

R J E Š E N J E
o imenovanju Komisije za izradu akta
o osnivanju
Osnovne škole Ilići

I

Imenuje se Komisija za izradu akta o osnivanju Osnovne škole Ilići u sastavu:

1. Radmila Komadina, predsjednik
2. Marija Soldo, član
3. Lana Radić, član.

II

Zadaci Komisije iz člana 1. ove Odluke su sljedeći:

" izrada akta o osnivanju Osnovne škole Ilići
" obavljanje drugih radnji u vezi s početkom rada Škole u skladu sa Zakonom.

III

Ovo Rješenje stupa na snagu narednog dana po objavljivanju u "Službenom glasniku Grada Mostara".

Broj: 01-02-366/06
Mostar, 16.05.2006. godine

PREDSJEDNIK
Murat Ćorić, s.r.

103

Na osnovu člana 18. stav 1. Zakona o osnovnom odgoju i obrazovanju ("Službene novine Hercegovačko-neretvanskog kantona" broj 5/2000, 4/2004, 5/2004), člana 64. Zakona o lokalnoj samoupravi ("Službene novine Hercegovačko-neretvanskog kantona" broj 4/2000), i člana 28. Statuta Grada Mostara ("Gradski službeni glasnik

Grada Mostara" broj 4/2004), Gradsko vijeće Grada Mostara, na sjednici, održanoj dana 11. i 16.05.2006. godine donijelo je

R J E Š E N J E
o imenovanju Komisije za izradu akta
o osnivanju
Osnovne škole Cim

I

Imenuje se Komisija za izradu akta o osnivanju Osnovne škole Cim u sastavu:

1. Ilija Vrljić , predsjednik
2. Zdravko Vrljić , član
3. Lana Radić , član.

II

Zadaci Komisije iz člana 1. ove Odluke su sljedeći:

" izrada akta o osnivanju Osnovne škole Cim
" obavljanje drugih radnji u vezi s početkom rada Škole u skladu sa Zakonom

III

Ovo Rješenje stupa na snagu narednog dana po objavljivanju u "Službenom glasniku Grada Mostara".

Broj: 01-02-367/06
Mostar, 16.05.2006. godine

PREDSJEDNIK
Murat Ćorić, s.r.

104

Na osnovu člana 28. Statuta Grada Mostara ("Gradski službeni glasnik Grada Mostara, broj: 4/04) i člana 121. i 128. Poslovnika Gradskog vijeća Grada Mostara ("Gradski službeni glasnik Grada Mostara" , broj: 12/04) Gradsko vijeće Grada Mostara na sjednici održanoj dana 11. i 16.05.2006. godine donosi

Z A K L J U Č A K

I

Zadužuje se Odjel za društvene djelatnosti Gradske uprave Grada Mostara da što prije

pripremi Informaciju o stanju i statusu školskih objekata i dostavi je Gradskom vijeću na razmatranje i poduzimanje određenih mjera prije početka nove školske 2006/2007 godine.

II

Zaključak stupa na snagu danom donošenja i objavit će se u "Službenom glasniku Grada Mostara".

Broj: 01-02-368/06
Mostar, 16.05.2006. godine

PREDSJEDNIK
Murat Corić, s.r.

105

Na osnovu člana 10. Zakona o porezu na promet nekretnina Hercegovačko-neretvanskog kantona/županije ("Službene novine Hercegovačko-neretvanske kantona/županije" broj 08/00 i 05/04), Odluke o utvrđivanju stope poreza na promet na nepokretnosti ("Službeni glasnik Grada Mostara" broj: 03/05) i člana 28. Statuta Grada Mostara ("Gradski službeni glasnik Grada Mostara" broj 04/04), Gradsko vijeće Grada Mostara, na sjednici održanoj dana 11. i 16.05.2006. godine, donosi

RJEŠENJE o imenovanju Komisije za procjenu prometne vrijednosti nekretnina

Član 1.

Imenuje se Komisija za procjenu prometne vrijednosti nekretnina, u sastavu:

1. Sanja Mihalj, dipl.pravnik, predsjednik (zamjenik predsjednika: Nedžib Ajanić, dipl.pravnik)
2. Omer Širić, dipl.ing.građ., član (zamjenik člana: Branko Gašpar, dipl.ing.građ.)
3. Zvezdana Radovanović, dipl.pravnik, član (zamjenik člana: Sanja Voloder, dipl.pravnik)
4. Karmela Božić, geodeta, član (zamjenik člana: Mirsad Brekalo, geodeta)
5. Jasna Velagić, dipl.ekonomist, član (zamjenik člana: Anita Leko, dipl.ekonomist)

Član 2.

Zadatak Komisije je da vrši procjenu prometne vrijednosti nekretnine.

Pod prometnom vrijednosti nekretnine podrazumjeva se cijena nekretnine koja se postiže ili se može postići na tržištu u trenutku nastanka porezne obaveze.

Član 3.

Komisija se imenuje na period od četiri (4) godine, a mandat se može produžiti za još jedno razdoblje od četiri (4) godine.

Član 4.

Članovi za svoj rad imaju pravo na naknadu. Naknada za rad Komisije dužan je uplatiti poreski obaveznik prilikom podnošenja Prijave za razrez poreza na promet nekretnina.

Član 5.

Naknada po članu Komisije iznosi 15,00 KM po predmetu procjene, umanjena za visinu poreza na dodatna primanja.

Član 6.

Danom stupanja na snagu ovog Rješenja na teritoriji Grada Mostara prestaje primjena svih rješenja iz ove oblasti, koja su se primjenjivala do dana stupanja na snagu ovog Rješenja.

Član 7.

Ovo Rješenje stupa na snagu narednog dana od dana objavljivanja u "Službenom glasniku Grada Mostara".

Broj: 01-02-369/06
Mostar, 16.05.2006. godine

PREDSJEDNIK
Murat Corić, s.r.

106

Na osnovu člana 28. Statuta Grada Mostara ("Gradski službeni glasnik Grada Mostara, broj: 4/04) i člana 121. i 128. Poslovnika Gradskog vijeća Grada Mostara ("Gradski službeni glasnik Grada Mostara", broj: 12/04) Gradsko vijeće Grada Mostara na sjednici održanoj dana 11. i 16.05.2006. godine donosi

ZAKLJUČAK

I

Zadužuju se predsjednik i zamjenik predsjednika Komisije za procjenu prometa vrijednosti nekretnina, da Gradskom vijeću Grada Mostara pripreme pismeno detaljan izvještaj o svom radu od imenovanja do 31.12.2006. godine i da ga dostave najkasnije do 31.01.2007. godine.

II

Zaključak stupa na snagu danom donošenja i objavit će se u "Službenom glasniku Grada Mostara".

Broj: 01-02-370/06
Mostar, 16.05.2006. godine

PREDSJEDNIK
Murat Ćorić, s.r.

Izdavač ne može preuzeti odgovornost za jezik službenih objava i oglasa koje se objavljuju u dijelu "Objave i oglasi".

"SLUŽBENI GLASNIK GRADA MOSTARA"

Izdavač: GRAD MOSTAR

Za izdavača: Sekretar Stručne službe Gradskog vijeća tel.: 036 / 500-696, 500-636, 500-666 faks: 580-611

List izlazi prema potrebi. Pretplata za 2006. godinu iznosi **100,00 KM plus PDV**.

Pretplata, prodaja i primanje oglasa obavlja se u ulici Adema Buća 19 u Mostaru.

Žiro račun broj: **1610200009950649** kod Raiffeisen bank d.d. BiH, GF Mostar.

Pretplatnicima koji se pretplate tokom godine ne možemo garantovati prijem svih prethodno izdatih brojeva.

Štampa: GIK "OKO" Džemala Bijedića 185. Sarajevo

Tiraž: 400 primjeraka

Na osnovu mišljenja Federalnog ministarstva obrazovanja nauke kulture i sporta br: 03-15-648/05 od 17.03.2005. godine "Službeni glasnik Grada Mostara" je proizvod iz člana 13. tačka 13. Zakona o porezu na promet proizvoda i usluga na čiji se promet ne plaća porez.